

叙曰：幼慕独行，壮丁患难；吾行却曲，废不中权；迷鞠迫言，劣自完于皇汉。共和二千七百四十一年章炳麟录。

旭书前录

客帝匡谬

自古以用异国之材为客卿^①，而今始有客帝。客帝者何也？曰：如满洲之主中夏是也。夫整军之将，司税之吏，一切假客卿于欧美，则以鸡林、靺鞨之宾旅^②，而为客帝于中国也何损？知是，而逐满之论，殆可以息矣。

抑夫客卿者，有用之者也。客帝者，孰为之主，而与之玺绂者乎？明堂、大微^③，不司其勋；岱山、梁父^④，不载其德。盗沃土于中夏，而食其赋税。既无主矣，而客于何有？曰：已矣！弗复道矣。《咸池》之均^⑤，弗可以入里耳矣。必若言之，吾则曰：中夏之共主，自汉以来，二千余年，而未尝易其姓也。

昔者《春秋》以元统天，而以春王为文王。文王孰谓？则王愆期以为仲尼是已^⑥。欧洲纪年以邪苏^⑦，卫藏纪年以释迦^⑧，而教皇与达赖喇嘛者，皆尝为其共主。中夏之共主，非仲尼之世胄则谁乎？梅福之讼王章也^⑨，见新室盗汉之朕而塞之也^⑩；及王章不可讼，而上绍殷之议，其指归则以圣庶夺适为泉^⑪。是何忘汉之社稷，而为此阔疏之计邪？夫固曰：素王不绝，黑绿之德不弛^⑫，则中夏之域，亘千百世而有共主。若夫摄斧宸^⑬、掌图籍者，新乎？汉乎？则犹菌鹤马蝟之相过乎前而已矣^⑭。由福之说，苟言大同，必有起于侧陋，握石椎而怀神珠者，吾民以为可恃，然后君之，斯固拥戴也，亦不得世

及矣。若犹是世及也，冠冕未裂，水土未堙，则中夏之共主，其必在乎曲阜之小邑，而二千年之以帝王自号者，特犹周之桓、文^⑮，日本之霸府也^⑯。苟如是，则主其赏罚，而不得尸其名位。中夏有主，则为霸府于丰镐、秣陵、汴、雒、北平者^⑰，汉乎？满乎？亦犹菌鹤马蝮之相过乎前而已矣。苟摄之者不得其指，而自以镇抚九有，若天之有摄提大角，斯犹大夫之胙岱^⑱，其罪不赦。此汉唐之所以为天囚非命，而客帝之所以愈迫民以攘逐也。

难者曰：今之衍圣公^⑲，其爵则九命，其册封则必于京室。今倒植其分，霸其封之者，而帝其受之者，其左夫？

曰：已矣！弗复道矣。吾固曰《咸池》之均，弗可以入里耳矣。

《繁露》有言：“天子不臣二代之后，而同时称王者三。”是则杞、宋之在周世^⑳，其名则公，其实则王也（《书·梓材》：“以厥臣达王惟邦君。”《正义》曰：“郑以王为二王之后。”），夫以胜国之余孽，不立其图法，不用其官守，然犹通三统而王之。况朝野皆奉其宪典，以纲纪品庶者欤？名曰衍圣公，其实泰皇也。

若夫锡命之典^㉑，自汉之封绍嘉以至于今^㉒，更十七姓，七十有余主，而不能以意废黜之。夫非一代之主所得废黜者，则亦非一代之主所得册封也。虽微册封，于孔氏之位何损？其册封，则鸞主媚臣之自为僭滥，亦犹乾隆之世，英吉利尝一通聘，而遽书之以为人贡之藩云尔。且昔者成周之末^㉓，王赧已虜^㉔，而东周特畿内之侯也。其于七王^㉕，爵位固不相若，亦侍祠贡献惟谨，且听其黜陟焉。宋氏之于金、元，亦尝至乎称臣称侄矣，然而言神州之王统者，终不以彼而夺此。苟以是为比，则衍圣当帝，而人主之当比于桓、文、霸府也，岂顾问

哉？

虽然，此犹千载之蛊事^⑳，藏于石室^㉑，史官儒生，得守空文以持其义，而世主未尝既其实也。土著之后，逆取顺守，尚已。方其盛时，持重万钧，环天下而为臣妾，虽临辟雍^㉒，固不欲捐其黄屋^㉓，以朝孔氏之尝酎，斯已泰矣。及夫陵夷积弱，处逃责之台^㉔，被窃鈇之言，大枋既失，势侷于家人，宁奉表以臣敌国，而犹岿然自谓尊于玄圣之裔，岂不丑哉！

乃夫宾旅侵突而为君者，故迩梁远，以华夏为异类，蜂刃所抵，类祸厥宗^㉕，而无所愆痛^㉖。扬州之屠，嘉定之屠，江阴之屠，金华之屠，陷肉也如黑鹫，窃室也如群麀。其他培发窖藏，掘冢坏陵，而取其金鼎玉杯、银尊珠襦之宝以为储藏者，不可以簿籍计也。及统一天下，六官犹耦^㉗，防营犹设（明末马、阮筑板矶城为西防^㉘。左良玉叹曰^㉙：“今西何所防？殆防我耳！”今之驻防，则谁防乎？名不正，言不顺，二百年泄泄然而不改，异夫），托不加赋以为美名，而以胡骑之饕餮剽敝府库。乍有狱讼，则汉民必不可以得直。乍有剧寇，汉臣贤劳而夷其难。创夷既起，又置其同族于善地以乱其治。吾义士之谋攘逐者，亦宁有过职乎？

逐加於满人，而地割于白人，以是为神州大诟。夫故结肝下首而不欲逞，非其丧志，鉴於蜀、宋也。蜀相之结荆扬也^㉚，非忘报也，彼忌曹氏，则吴不得怨；故覆于南郡，烬于白帝，再挫之仇忿，而不敢复焉。宋与女真，宗祧之痛也，引蒙古以灭之，终自戕败，庙算失也。故地处其逼，势处其陞，九世之仇，而不敢复焉。何者？犂牛之斗，玄熊吼怒以格其间，则二牛皆禽也。

且夫今世则又有圣明之客帝^㉛，椎胸啮臂，以悔二百五十年之过矣。彼疏其顽童，昵其地主，以百姓之不得职为己大

耻，将登荐贤辅，变革故法，使卒越劲，使民果毅，使吏精廉强力，以御白人之侮。大东辛颛之胄^㉞，且将倚之以为安隐，若是又可逐乎？虽然，弗逐，则高义殆乎格，配天之志殆乎息矣。决胜负于一朝，两族皆僨，而不顾其后者，日莫涂远之所计，虽非少康^㉟，犹之伍员也^㊱。中夏虽坏败，宁无其人邪？其攘逐满洲也，在今日；其不攘逐满洲也，亦在今日。客帝诚圣明，则必取谟于陆贄^㊲，引咎降名，以方伯自处（《唐书·陆贄传》：德宗议更益大号，贄奏言若以时屯，当有变革，不若引咎降名，以祇天戒）。禘郊之祭，鸡次之典，天智之玉，东序之宝，一切上之于孔氏；彤弓黄钺，纳陛拒鬯，一切受之于孔氏。退而改革朝官，皆如宗人府丞（朝官皆满汉二员，独宗人府丞，则只一汉员）。圈地之满、蒙，驻防之八旗，无置马甲，而除其名粮，一切受治于郡县。自将军以至佐领，皆退为散秩。大政既定，奏一尺书，以告成于孔氏。吾读《伊尹书》，有九主^㊳，有素王。吾读《中候》，至于霸免（郑注：“霸犹把也，把天子之事”），有受空之帝（郑注：谓楚义帝）。今以素王空帝，尸其名位，而霸者主其赏罚，则吾中夏所君事者，固圣胄已。其建霸府于域中，则师不陵正，而旅不逼师，臣民之视客帝，非其后辟，其长官也。霍光也^㊴，金日碑也^㊵，李晟也^㊶，浑瑊也^㊷，其种系不同，而其役使于王室也若一，则部曲之翼戴之也。汉乎？满乎？亦犹菌鹤马蝮之相过乎前而已矣。君臣不属，则报志可以息，虽弗攘逐，无负于高义。然则二族皆宁，而梅福之大义，且自今始既其实焉。以是流衍于百王，而为宪度，其有成劳于中夏也，亦大矣！

难者曰：今中国羸病，炊之则僵，犁五稔必仆。虽尊崇孔氏，以息内讧，其何廖乎？曰：需观明堂合宫之法，官天下则帝孔氏，百世丕天之定律，非独为滑夏之代而已^㊸。且夫发愤

为天下雄，则百稔而不仆；怠惰苟安，则不及五稔而亦仆。吾所议者，为发愤之客帝言也，非为怠惰苟安者言也。夫苟怠惰苟安，虽采椽茅茨，若自处于臣虏，可以亡国；发愤而为雄，而后以降名尊主为可恃也。不然，则一饭之顷，已涣然离逝矣，安能五稔？

共和二千七百四十一年^④，章炳麟曰：余自戊、己违难^⑤与尊清者游，而作《客帝》。饰苟且之心，弃本崇教，其违于形势远矣！且汉帝虽孱弱，赖其同胤，臣民犹或死之。满洲贱族，民轻之，根于骨髓，其外视亡异欧美。故联军之陷宛平，民称“顺民”，朝士以分主五城，食其廩禄，伏节而死者，亡一于汉种。非人人闾茸庸态，同异无所择，孰甘其死？由是言之，满洲弗逐，欲士之爱国，民之敌忾，不可得也。浸微浸削，亦终为欧美之陪隶已矣。今弗能昌言自主，而以责宣尼之主祐^⑥，面欺！著之以自劾录，而删是篇。

【注释】

客卿：战国时期秦国设置的官名。

②鸡林、靺鞨：鸡林，朝鲜古国名，即新罗。靺鞨，中国古族名，满族的祖先。

明堂、大微：明堂，古代帝王宣明政教的地方。大微，即太微，古代星官名，这里指帝王的居住地。

岱山、梁父：岱山，古代对泰山的别称。梁父，泰山下的小山，古代许多帝王在此祭奠山川。

《咸池》之均：《咸池》，传说中黄帝乐名；均，同韵。

⑥王愆期以为仲尼：王愆期，晋河东猗氏（今山西临猗）人，著有《公羊注》，治《春秋学》。仲尼，孔子名丘，字仲尼。

⑦耶苏：今译耶稣，基督教宣扬的救世主。

⑧卫藏纪年以释迦：卫藏，即西藏。释迦，释迦牟尼的简称，为佛

教的创始人。

⑨梅福之讼王章：梅福，字子真，西汉寿春（今安徽寿县）人。京兆尹王章为王凤诛杀，梅福上书为王章申冤。

⑩新室盗汉之朕：指王莽篡汉的征兆、迹象。新室，指王莽建立的政权，王莽篡位后，改国号为新。

⑪圣庶夺适：适，同嫡。中国古代宗法制立嫡以长不以贤。殷商则兄终弟及，嫡庶不严。所以梅福上书主张效法殷商，立贤不立嫡，为王莽代汉制造舆论。

⑫素王不绝，黑绿之德不弛：素王，指孔子。黑绿之德不弛，殷商为黑帝之子，而孔子为殷后，故云黑绿之德不废。

⑬摄斧宸：掌管朝政。斧宸，朝堂上的屏风绣有斧形图案，故称。

⑭菌鹤马蚘之相过乎前：菌鹤，正南方国贡物；马蚘，蝉中最大者。此句意为菌鹤马蚘在眼前经过，而不见其人之心哀乐。比喻无关痛痒，无动于衷。

⑮桓、文：指春秋时期齐国国君桓公和晋国国君文公，二人先后成为春秋时期的霸主。

⑯日本之霸府：即日本封建社会的幕府，为一种武人政治形态。历经江户、镰仓和德川三朝，至明治维新而废除。

⑰丰镐、秣陵、汴、雒、北平：分别在今陕西西安、江苏南京、河南开封、洛阳和北京一带。

⑱胙岱：指陈列祭品以祭祀泰山。大夫之胙岱，以大夫之位而行天子之祭，为僭窃王章。

⑲衍圣公：孔子后代的封号，爵为九命。古代官职的第一品称为九命。

杞、宋：周武王灭商后，封夏的后人为杞国，商的后人为宋国，均在今河南境内。

⑳锡命：古代天子赐予的诏命。

㉑绍嘉：西汉成帝时封孔子世家为绍嘉公。

㉒成周：指东周，包括春秋和战国时期。

㉓王赧：即周赧王，公元前 314—公元前 256 年在位。当时周朝分裂

为东周、西周二小国，郝王居西周，公元前 256 年为秦所灭。

⑥七国：即齐、楚、燕、韩、赵、魏、秦七国，史称战国七雄。

⑦蛊事：即故事，指以往的典宪制度。

⑧右室：指国家储藏图书档案的地方。

⑨辟雍：周代官府设立的学校。

⑩黄屋：即黄屋车，天子所乘的车。

⑪逃责之台：责同债。周赧王负债累累，为了逃避追索，就躲在高台上，人们称之为债台。

⑫类祠：古代在军队驻扎之处举行的祭祀名称。

⑬愍痛：伤痛。

⑭六官犹耦：六官，六部尚书；耦，指满汉官共居官位，相互牵制。

⑮马、阮：指南明时期的马士英、阮大铖。他们不顾国家安危，排斥异己，败坏制度，加快了南明小朝廷的覆亡。

⑯左良玉：字昆山，明末山东临清人，出身行伍。辅佐南明弘光政权，以马士英、阮大铖误国，出兵清君侧，途中病死。

蜀相之结荆扬：蜀相指诸葛亮。荆扬指荆州和扬州，代表东吴政权。

⑰圣明之客帝：此处指光绪皇帝。

⑱大东辛颛之胄：大东犹言远东。辛颛即高辛氏帝喾和高阳氏颛顼。胄，后裔。

⑲少康：夏朝国王。在太康失国 40 多年后，少康又恢复夏王朝。

⑳伍员：即伍子胥，春秋时楚国人。他的父兄遭到楚平王的杀戮，他想法逃到吴国，帮助吴王伐楚。

㉑陆贽：字敬舆，唐苏州嘉兴（今属浙江）人。生于 754 年，卒于 805 年，德宗朝著名政治家，著有《陆宣公奏议》。

㉒九主：指三皇五帝和夏禹。关于三皇五帝的名称，后世众说纷纭，莫衷一是。

㉓霍光：字子盖，西汉河东平阳（今山西临汾）人。霍去病异母弟。昭帝继位，受遗诏辅政，后立宣帝，执政凡 20 年。

④④金日磾：西汉时匈奴休屠王之子，汉武帝时拜为侍中，后与霍光受诏辅政。

④⑤李晟：唐代临潭人，德宗时率军平定朱泚之乱，被封为西平王。

④⑥浑瑊：唐代名将，出身于铁勒族。

④⑦滑夏：扰乱中国。

④⑧共和二千七百四十一年：即光绪二十六年（公元 1900 年）。

④⑨戊、己违难：戊，戊戌；己，己亥；违难，即避难。戊戌变法失败后，章炳麟因名列强学会参加变法宣传而遭通缉，被迫逃到被日本侵占的台湾避难。

④⑩宣尼：指孔子。因孔子字仲尼，后世封文宣王，故有宣尼之称。

分镇匡谬

与不得已，官制不及改，则莫若分镇。

分镇尚已。昔唐太宗欲世授节度，而马周^①、李百药之伦^②，则谓亲属且不可以领土宇。其后淮朔不宾，柳宗元祖述其意，作《封建论》，盖惧镇将世及，尾大踮戾，黜陟将自主。属时清明，未有外侮，其论议固足以自守也。宋之季，而祸发于穹庐^③，州郡破碎，墓无完椁，里无完室，则李纲始有分镇之议。虽不竟行，南宋卒赖以自完其方部。然后知封建有其匙，而郡县有其非也。

定倾之道，一彼而一此。轩辕大角之兽不见^④，则王者不能以革故。及阳节既尽，必守前世故常之论，以外重内轻为足以亏国家之大柯，此文俗吏之所乐，而知时者故未以是为权概也。

自明以来，行省则有布政使^⑤，主用人治赋，不得操兵柄。其后以疆宇寥荒，非能正众之丈人，使之节制将吏，不足以为治，于是有以大臣为督抚者^⑥。当明之衰，直隶一隅^⑦，有总督三人；十有三行省，其巡抚乃至二十有九。威权虽众著，然所驭乃不过数郡。土宇既狭，不足行其意。终于流寇票突，外患蹊迹，如决澥池而莫之夭阏。此无他，劫於马、李、柳氏之论，常惧方镇屈强，不用朝命，故宁削弱其土，使局促不得自展，至于疆宇坼裂而不悔也。

满洲起朔方，因袭明旧，稍省督抚，小者不损一行省，使教念所下，渐及泰远。然犹禀命于六部，不敢自擅。咸丰之季，汉帝已立^⑧，重以外寇，孤清之命，阡陌如累九丸。赖大

酋明圣^⑩，枢臣善方略^⑪，一昔举緘滕肩鑄之智而破碎之；自征自抚，自生自杀，自予自夺，一切属其权于疆吏。是时知兵之臣，威令振聃，或出其竟外，而上不以文法制之，卒能戡灭太平^⑫，盗其天球^⑬。

由此言之，内外之重轻，所以为利害者，断可知矣。今方镇荼弱，而四裔乘其敝，其极至于虚喝政府，使从而劫疆吏，一不得有所阻挠，割地输币，无敢有异议。彼其所以钳束者，则外轻之效，非乎？

与不得已，官制不及改，则莫若以封建、方镇为一。置燕、齐、晋、宋及东三省为王畿^⑭，注措无所变。其余置五道：曰关陇，附以新疆；曰楚蜀，附以西藏；曰滇黔桂林；曰闽粤；曰江浙（谓三江、浙江）。道各以督抚才者制之，冠名以地，无以虚辞美称；行政署吏，惟其所令；岁入贡于泉府者数十万^⑮，毋有缺乏；扶寸地失，惟斯人是问。一受其爵，非丧土缺贡，终其身无所易；死则代以属吏，荐於故帅，而锡命于朝。其布于邻国，则曰：斯吾附庸之国也，交会约言在是，天室弗与知（案：联邦之制虽同等，联邦外交固在中央政府也。不同等联邦无论。然清室之于朝鲜，任自遣使，既尝破其例矣^⑯）。若是，则外人不得挟政府以制九域，冀少假岁月以修内政。人人亲其大吏，争为效命，而天下少安矣。

夫清世名位至滥，独爵号乃重于灵鼙之鼓^⑰。蒙古而外，非宗室无有处王位者，虽五等亦非勋臣不得与^⑱。此其法昉于汉、明之制，然明永历讨不庭也，何腾蛟则以中湘王封墓^⑲。其后若金声桓、李定国数子^⑳，皆剖青圭而正王位，其膏不屯，其印不刑。何者？遭值丧乱，则守文之制，固运而往矣。且古者上公九命，子男特五命耳，其位乃下于列卿。是故成周之典，足以度越千世。其在中叶，惟唐制最中绳。其秩，亲王

正一品，与三公三司同；嗣王、郡王，则不过从一品；降及男国，则不过五品。故宰相皆公，而将帅以郡王封者三十余辈。以李光弼之部，王者至十校。今俄、英之相，多以王公称者。远则唐制，而近则西邻，以此崇重方镇，夫何牵于往日之制乎？

或以唐世河北失驭，其端自方镇之有功始。此皆愚儒无知，惩既成之事，顾不知其谋始之所以难也。使唐无方镇，十道且不能保，奚翅失河北而已！其卒旅距抗命者，以武夫悍突之将，勇于趋利，而未尝知方，故侵寻至不可制。今以文臣，而惧其跳踉为桀寇，自唐以来，其孰覲之哉？

夫法不外操，而兵不中制，今自九服以内，旬始未出，而瓜分固已亟矣。瓜分而授之外人，孰与瓜分而授之方镇？方镇虽不肖，尚略得三四人，其他或愿恣无雄略。吾闻晚明之将帅，史可法最劣，其次有瞿式耜，其次有李定国，其次有郑成功、张煌言。后出益惊，则习于戎事故也。始虽愿恣，而代之者必雄略矣，其愈于中制者亦远矣。

且夫利不过幅，则用足也；思不出位，则虑周也；兵不外募，则士附也；吏不旁掣，则功立也。当裔夷之竞，而求之剽末，以觊自全，使 烝民有立，政府缓带，舍是则无长计矣。若其检式群下，和齐县内^②，微革更官制，则犹篆车之无辘^④。而丁时者或未意是也。《颂》曰：“皇以间之！”

共和二千七百四十一年，章炳麟曰：怀借权之谋^②，言必凑是。今督抚色厉中干，诸少年意气盛壮，而新用事者，其慈畏又过大耄旧臣，虽属以一道，弗能任。《传》曰：“负且乘，盗之招也。”纵满洲政府能弃，若无收者何？夫提挈方夏在新圣^③，不沾沾可以偷取。鉴言之莠，而删是篇。

【注释】

马周：字宾王，唐博州茌平（今属山东）人，多次上书言政治得失，受到唐太宗的肯定，拜为监察御史。

②李百药：字重规，唐安平（今属河北）人，著有《北齐书》50卷。

穹庐：少数民族所居住的毡帐。此指金朝女真贵族发动的侵宋战争，1127年灭北宋。

轩辕大角之兽：指麒麟，古代传说中的瑞兽，形状像鹿而独角，尾巴像牛尾。

布政使：官名，明朝改行省为承宣布政使司，设左、右布政使各一人，为一省最高的行政长官。

⑧督抚：总督、巡抚。明朝为加强统治力量，专设总督、巡抚等官职，清代正式定为地方官职，专管一省的军政、财赋和人事。

⑨直隶：明代有南直隶和北直隶，分别隶属于南京和北京。这里指北直隶，辖境约略相当于今河北省，设直隶、宣大、蓟辽三总督。

⑩汉帝已立：指咸丰三年（1853年），洪秀全定都南京，太平天国政权颇具规模。

⑪大酋：指咸丰皇帝。

⑫枢臣：指军机大臣。

⑬太平：即太平天国。

⑭天球：指太平天国政权。

⑮燕、齐、晋、宋：指河北、山东、山西、河南等地。

⑯泉府：储备财物的府库。

⑰天室：天之宫室，代指清代朝廷。

⑱灵鼉之鼓：灵鼉，一种鳄鱼类动物，皮可制鼓，极为贵重。

⑲五等：指公、侯、伯、子、男五等封爵。

⑳何腾蛟：1592—1649年，字云从，贵州黎平卫（今黎平）人，南明大臣，联络李自成旧部抗清，一度收复湖南大部，后兵败被俘而死。

㉑金声桓、李定国：金声桓，南明旧将，降清后遭排挤，又举兵投

明，后兵败投水死。李定国，张献忠养子，后归永明王朱由榔，封晋王。

⑩县内：指天子所居之地。夏朝称县内，殷、周称王畿。

⑪篆车之无鞅：篆车，车轮上画有五彩花纹的车。鞅，连接车身与车轮的绳子。后世用以比喻华丽而不实用。

⑫借权：指革命志士想要借助督抚的权力谋求大事。

⑬提挈方夏在新圣：方夏，指中国。新圣，指辛亥革命的领导者孙中山先生。

尙 书

原 学 第 一

视天之郁苍苍，立学术者无所因。各因地齐、政俗、材性发舒，而名一家。

希腊言：海中有都城曰韦盖，海大神泡斯顿常驰白马水上而为波涛（《宗教学概论》）^①。中国亦云。此非滨海者弗能虑造是也。伯禹得龟文^②，谓之九畴。惟印度亦曰：洪水作，韦斯孛化鱼^③。视摩孛以历史^④，实曰《鱼富兰那》^⑤。二瀛之迹，国有大川，而馈饷其诬。寒冰之地言齐箫，暑湿之地言舒绰，瀛坞之地言恢诡，感也。故正名隆礼兴于赵，并耕自楚，九州五胜怪迂之变在齐稷下。地齐然也。

七雄构争，故宋钐^⑥、尹文^⑦始言别宥，以聊合欢，以调海内^⑧。雅典共和之政衰，贵族执政，而道益败。故柏拉图欲辨三阶：以哲学者操主权，德在智；其次军士，德在勇；其次农、工、商，德在节制（柏拉图生于贵族，素贱平民主义，至是又惩贵族主义，故构此理想政体）。周室坏，郑国乱，死人多而生人少。故列子一推分命^⑨，归于厌世，御风而行，以近神仙。希腊之末，甘食好乐，而俗淫涵。故斯多葛家务为艰苦^⑩，作《自裁论》，冀脱离尘垢，死而宴乐其魂魄。此其政俗致之矣。

倍根性贪墨^⑪，为法官，以贿赂。以是深观，得其精和，故能光大冥而倡利己。路索穿窬脱纵^⑫，百物无所约制。以是

深观，得其精和，故能光大冥而极自由。庄周曰^⑬，封侯与治纡者，其方同也，惟其材性也。

夫地齐阻于不通之世，一术足以概量其国民。九隅既达，民得以游观会同，斯地齐微矣。材性者，率特异不过一二人，其神智苟上窥青天，违其时则舆人不宜^⑭。故古者有三因，而今之为术者，多观省社会，因其政俗，而明一指。

【注释】

泡斯顿：今译波赛冬，古希腊神话中的海神。

伯禹：即夏禹，我国原始社会氏族部落联盟领袖。

韦斯拏：印度古代神话中的大神。

摩拏：印度神话传说中的人类祖先。

⑤《鱼富兰那》：古代印度的一部史诗。

⑥宋钐：即宋荣子，战国宋人，有《宋子》 18篇。

⑦尹文：战国齐人，有《尹文子》。

⑧“以聊合欢，以调海内”：语出《庄子·天下篇》，意思是：用和顺的态度投合别人的喜欢，并以此与天下人相协调。

⑨列子：即列御寇，战国郑人。

⑩斯多葛：古希腊哲学流派，公元前四世纪芝诺创立于雅典。该派主张人应顺应自然或服从命运。

⑪培根：今译弗朗西斯·培根（1561—1626），英国哲学家，曾任掌玺大臣，升大法官，著作有《论科学的价值和发展》、《新工具》等。

⑫路索：今译卢梭（1712—1778），法国启蒙思想家、哲学家、教育家，著有《社会契约论》、《论人类不平等的起源和基础》等。

⑬庄周：战国时宋人，道家代表人物，著有《庄子》一书。

⑭舆人：指众人。